

Лүимә сәрипос



наведи телефон

05.09.2024
№ 17 (1323)

www.khanty-yasang.ru

Основана 11 февраля 1989 года

E-mail: gazeta@khanty-yasang.ru

Йильпи ханищтахтын тәл та օвылтахтас



Ты хурит Хальүс район Лөпмус павыл мәньщи нйврамыт пöслым օлэгыт. Сүкыр этпос китыт хөталт ханищтахтуңкве та օвылтахтасыт. Ты тәл Максим Вадичупов օвыл классын тактёт минас. Мән ханищтан хөтпат ос нйврамыт ты ялпың хөталыл янытлыянүв!

Ты номерт ловиньтән:

Россия флаг
янытлавес

► 2

Рүпатан школат
ханищтаңкв
патавет

► 4

Мәщтырыг ёмтум
хум

► 7

Хөнтаң мәньщи
нэ потре

► 10-11

Пёс наканув элаль
вос օлэгыт

► 12-13

Тёранак вәрнэ
мәщтыр нэ

► 14



Б.С. Хохряков ос Р.Н. Кухарук мәхум ёт



Лап-пантхатнэ ўсма сагёгыт

Россия флаг янытлавес

Мән мәвт өлнэ сәвсыр мирыт вёртур
Этпос вāt нупыл китыт хōталэ́т Россия
флаг янытлэ́гыт. Тамле янытлан нак өвыл щёс
1994 тәлт вәрвес, тōнт яңк-атырхари-выгыр
ольпың флаг, гимн-эрыгсов ос герб-хури пуссын
аквторыг Россия пōсыг, руш лāтың щирыл ке –
«символыг» ёмтсыт.

Тынакт вāt тāлыг ты
ёмтыс, тамле ялпың хōтал
кāсың ўсыт, кāсың пāвылт
янытлаве. Ювле хулытум
Этпос вāt нупыл китыт
хōталэ́т Ханты-Мансийск
ўст өлнэ мир Борис
Лосев наппа парк-канын
вōвиньтāлвёсыт.

Тув хōнтлын мән ялум
ос ань юн ўщлахтын хум
хōтпат ёхталасыт, тувыл
Россия МЧС колт рўпи-
тан мāхум, «Волонтёры
России» наппа нётмил
вārнэ хōтпат тот өлсыт.
Ўскан хосыт «Юнармия»
наппа колт ханищтахтын
агит-пыгыт флаг кāтыт
пувим ёмыгтасыт.

Руш флаг кāсың өльпе
такви холът янас хўл-
тыглаве, яңк оспа – юр-
тыңыщ ос сыстам номтыл
өлнэ нак, атырхари оспа
– агт ос вёщкатыг өлнэ
нак, выгыр оспа – ёр ос
тāксарыг өлнэ нак.

Тувыл хōнтлын мāt
өлнэ хōтпатн нётмил
вārнэ колыг «Сбор ХМ»
ос «Шьём для наших»
тāнки вāрум пормасаныл
суссылтāнкве тув тотыг-
ласыт. Та сьс тāн палта-
ныл ёхталам мāхум ма-
тыр вāруңкве ханищтасыт.

Мўйлын хōтпат сālтатыт
хōнтлын мāt тўйтыглах-
тыннэныл мāгыс ўсма са-
гуңкве ўнтылматыгласыт.
Няврамыт сāвыңпālэ су-
венир вāрсыт, хури пōс-
лысыт ос пищма хассыт.

Акв мāньлат нэ Ольга
Панай ос тавен нётнэ
хōтпат ўст өлнэ мāхум
тōсам атың тэнутыл тыт-
тысаныл. Мōлалнув Ольга
«Сушилочка» наппа
проект вāрыс ос руманэ
ёт нёвыль, хўл, сырсыр
овошит, фруктыт тōслуң-
кве юн патсыт.

Ты тōслым тэнутыт



Хōнтлын мāt хōнтлум хумыт

исмитыг пāйтнэ мāгыс
лāкква-уртавет ос хў-
рысовн пинавет. Ос ты
щирыл щёпита́м тэ́ну-
таныл хōнтлын мән кёты-
яныл.

Тувыл та хōталт «Короб-
ка добра» нётмил атнэ
ёмас тэла вāрыглавес.
Курский областът пилыщ-
маң накн патум хōтпат
матыр пормасыл ос тэ́ну-
тыл атвёсыт. Ўсың мāх-
манув матъёмас тāна-
ныл нётсыт, ань та
пормасыт пуссын тув тот-
вёсыт.

Округувт кўщаиг өлнэ
хум Руслан Кухарук, округ
Дума кўчай хум Борис
Хохряков ос Ханты-
Мансийск ўс кўчай
Максим Ряшин өс тув ёх-
таласыт, мāхум янытласыт.

Руслан Кухарук лāвыс:

– Мән яңк-атырхари-
выгыр ольпың флагув
янытлым таи суссылтэв
– сāв мирыт акван-юрш-
хатнэ мāгыс өлэ́в, тыи
мән ащōйканув пёс тāгыл
акв ёмас номтыл элаль
өлсыт, пёс йис наканыл
элаль тотсаныл.

Ты накт Россия флагув
ёт хум хōтпат Родина мāv
вуянтан мāгыс хōнтлэ́гыт.
Флагув ёт щуниңыщ ос
сōтыңыщ вос өлэ́в, ам
нāнан пуссын янытлыя-
нум.

Аквта хōталт мāньлат
мāхум Г. Величко ўсхулыт
ос Археопарк ўскант
атыглавёсыт, тāн тот мўй-
лысыт ос сāвсыр пўмыщ
касыл вāрсыт.

Тамара
МЕРОВА

Җмащакв ханищтахтән

Җтил, тының нъяврамыт, мәньлат хөтпат,
ханищтан махум, ома-әтят! Нәнан йильпи
ханищтахтын тәлыл янытлыанум!

Ты хөтал мән пуссын савсыр емас тәлат урыл номсәв, сав матыр вара-паңкве, хөт-әти нөх-патункве таңхөв. Номсәгум, ты ханищтахтын тәлт нән сав эрнә тәлат вәрегын тах, өлнә мавн яныг пәрыс тотэгын.

Щар ущ өвыл классын минам нъяврамыт магыс ты мак хөтал – ты тәл вәт нупыл ат сөтыра агири-щит ос пыгрищит өвыл классын минэгыт, тән маг-сыланыл лөңханьщап өвыл щөс сумыллы. Уни-

верситет ос колледж колытн минам мәньлат хөтпат тыхөтал өс урактәл өлэгыт, тән яныг тәла вәрсыт – экзаменит өмашакв хассыт, ос ань пөриям рүпатанылн ханищтахтункве патэгыт.

Ты тәл округянытыл 240 мәньлат хөтпат школат ханищтахтункве өвыл-тахтасыт, 53 сөтыра ос студентыт. Кәсың хөтпан сав емас ләтың ләвөгум, өмашакв ханищтахтән, учителит ос щәнь-әщ ләтыңн хүнтлән!

Яныг пәрыс тотэгын

Ма-вөй ос газ нөх-винә хөтпат, округт өлнә
җтил мир! Нәнанн ам ма-вөй ос газ нөх-винә
махум ялпыңхөталыл янытлыанум!



Ты тәла вәрнә махум Россиявн яныг пәрыс тотэгыт – энергетический ос экономический тәлат мұсхал щирыл минэгыт, Югра үсытт ос пәвлытт өлупса емас, махум өлнә кол өньщөгыт, рүпитэгыт, нъявраманыл янмалтэгыт.

Округт 40% сәвит ма-вөй нөх-вие, мощөртын 13-миллиард сәвит тонна кәтн-паттаве. Газ винә тәла палт Югра мав китыт мөстат өлы, мөлтү порат 31,5 млрд сәвит кубический метр кәтн-паттувес.

Ма-вөй ос газ нөх-винә хөтпат магыс конкурс өлы, өмашакв рүпитан махум ос компаният кәсың тәл ты ялпыңхөталт янытлавет. Ты сака өр, кәркам хөтпат.

Ма-вөй нөх-винә мөт рүпитан махум, колтәг-ланын пуссын пүстәгыл вос өлэгыт, сөтыңыщ, щу-ниңыщ вос өлэгыт!

Округ кұщай пөнтсыл рүпитан хум Р.Н. Кухарук
ляххалаге мәньщи ләтңыл
С. РОМБАНДЕЕВАН
толмашлавесыг



Яныгпәла хөтпат сака урккуптавет

Мән округут рүпитан Социальный фонд тамле ләтың тыт өлнә мирн тәты. Юи-өвыл тәлыт сыс «мошенникиг» ләвнә лөль элмхөласыт яныгпәла хөтпат урккуптаңкв сака патсаныл. Тән ләвөгыт, аквтопмат та колт рүпитэгыт.

Мөлтү тәл Социальный фонд-кол нупыл Пенсионный фонд ос социальный защита кол түв акван-түлвесыг. Тот нөтмил винә махум наманыл пуссын вәвет, таимәгыс тән телефон хосыт свонитаңкв ты патвөсыт, савсыр урк-ләтңыл ләвавет, тән хот-

рохтэгыт ос ты лөль махумн та агтэгыт.

Титыглавет, тән про-писка щирыл өлэгыт ман әти. Мөт колт те өлэгыт, тох ләвавет, пенсия-олна-ныл мощщәг вәравет ос өлнә коланылтуральтаңкв акваг тах патавет.

Тувыл элалы тамле

потыр өлы. Ләвавет, тән акваг ул вос уральтавет, юрист хөтпа тәнанылн аквтуп нөтуңкв вөрми, ос пенсия-олныт сәвнувег вос өмтэгыт, та юристытн тах нөтэгыт.

Ты Социальный фонд-колт рүпитан махум округут өлнә мирн, нъяврамың нәкветн, пенсионер-хөтпатн ты ләвөгыт – эрың хотыут юв өхты ос ләви, пенсия-олныт сәвнувег вәруңкв нөты, тән нәмхотыутн ул вос агтэгыт.

МФЦ-колт ос Социаль-

ный фонд-колт туп тот нөтмил титыглаңкв рөви. Олнә пәвлынт тамле кол те әтим, ты телефон хосыт титыглахтункв вөрмегын:

– 8(800) 100-00-01;

– **Госуслуги** щирыл титыглахтын пища төтуңкв рөви;

– ты кол ищхыпың лөпсә щирыл – sfr.gov.ru.

Социальный фонд-колныл фонд-ляххал мәньщи ләтңыл
Валентина ХОЗУМОВА
хансытә

Рүпатан школат ханищтаңкв патавет

Хальүс районт ханищтан
вәрмалъ хумус ӧлы, та урыл
мән образование комитет кӯщай нә
ёт потыртасӯв, тав наме Вероника
Чекмазова. Вероника Васильевна школа
ӧслан нъяврамыт аттестат-нәпак коныпал
ос хотты профессия нәпакыл тах миңкве
патавет, ты урыл потыртас.

– Округ кӯщайг ӧлум
нә Наталья Комарова
мӧлты тӧл лӧвыс, мӧн
пӧвлың школат нъяврамыт
хотты профессиян вос
ханищтавет, руц ширыл
тох лӧваве – «начально-
профессиональное обра-
зование». Ты 9 ос 11
класс ӧслан нъяврамыт
снегоходыл яласаңкве,
ӧнсхатнә мӧшиналмаснут
ӧнтуңкве, ййвныл сӧвсыр
ӧрнут вӧруңкве вос хӧс-
сыт. Тӧн школан яланта-
нӧныл сьс ты рүпатан
вос ханищтавет, кӧтыл
матыр-ӧти вӧруңкве вос
хӧсӧгыт. Янгыц та пӧвлыт
ты проект рүпитаңкве
паты, хӧт мӧныцт, хантыт
ос ӧрныт ӧлӧгыт.

Ты вӧрмалъ ӧлалъ
тотнә мӧгсыл округ ха-
нищтап департамент
кӯщайт проект хассыт,
ос тув олн тӧстувес, тох
намтвес – «Моя первая
профессия». Тӧстым
олнытыл снегоходыл,
ӧнсхатнә мӧшинат, пӧрт
сылнә станокыт ос сӧвсыр
ӧрнә утыт ӧвтвӧсыт. Туи
порат тӧн пуссын Хальүс
район Ягрим пӧвылн
тотвӧсыт.

План ширыл 2024 тӧлт
матыр-ӧти ӧрнут тотаве
ос нъяврамыт ӧт рүпитан
хӧтпат тӧнти ос ӧвлӧт
ханищтахтӧгыт, сертифи-
кат-нәпакыл мивет. Тувыл
2025 тӧлт уц нъяврамыт
ханищтаңкве ӧвылтавет.

Ань мӧн тит пӧвылт
ты ханищтап ӧвылтӧв
– Кульпаст ос Саран-
пӧвылт. Кульпаст хӯрум
щӧс мощщанув нъяврам

ханищтахты ос Саран-
пӧвылт сӧв нъяврам ӧлы.
Мӧн ань сунсӧв, мансӧвит
ӧгит-пыгыт ты профес-
сиятын ханищтахтуңкве
тахмаӧгыт.

Кӧсың школан тит
«Буран» тотаве, ты коны-
пал сӧвсыр ӧнсхатнә
мӧшинат, пӧртыт сылнә
станокыт ос мӧт ӧрнә
пормасыт. Ты пуссын
тының, ӧмас утыт ӧвтсӧв,
нъяврамытын ханищтах-
туңкве кӯстыр вос ӧлыс.

Школат рүпитан хӧтпат
дистанционный ширыл
ты тӧлан ханищтавет ос
тӧн яныгнув ӧгит-пыгыт
ханищтаңкве ӧвылтыя-
ныл. Кульпаст нъяврамыт
интернатыт ӧлӧгыт, тӧн
Лӧпмусныл, Кимкӧясӧй-
ныл тув тотавет ос тот
ханищтахтӧгыт, тӧваныл
школа ӧстлӧгыт ос юв
ӧлуңкве минӧгыт. Тамле
нъяврамытын ты ханищ-
тап ӧри, тӧн «Бураныл»
яласан нәпак ӧныщуңкве
патӧгыт, ӧгирищит ос
матыр-ӧти ӧнтуңкве
ханьщувлӧгыт, ӧрың тӧра
рүпитаңкве тахмаӧгыт.
Пыгыт ййвныл матыр-ӧти
вӧруңкве тах хӧсӧгыт, тыи
тӧнанылн сака ӧрмыглы.
Ты рүпатал тӧн ӧрың олн
сӧлуңкве вӧрмӧгыт. Тӧва
щӧмьят нусаг ӧлӧгыт, нъя-
раманыл ӧл ханищтах-
туңкве тӧтуңкв ат вӧр-
мияныл, тох сакати рүпата
тӧнти тах хӧнтӧгыт.

Ос ты проект хосыт
ӧти туп сossa нъяврамыт
ханищтаңкве рӧви, руцит,
сараныт ос мӧт нацио-
нальность ӧгит-пыгыт тув



В.В. Чекмазов, В.В. Чекмазова ос пыгагӧн Артӧм ос Захар

ӧс ялантаңкве патӧгыт.
Тӧн школа ӧсланӧныл
порат аквта тӧра ты
удостоверение-нәпакыл
мивет.

– Вероника Васильевна,
щӧнь-ӧщитын ты кастыл
кӧсащан нәпак хансуңкве
ӧри ман ӧти? Ос мансӧвит
нъяврам нӧн ханищтаңкве
номсӧгын? Ӕрың пуссын
местал ат товлавет?

– Вӧим, тамле нәпак
щӧнит-ӧщит тӧн хансӧгыт,
ты согласие-нәпак тӧл
тӧн ханищтахтуңкве ат
вивет. Мансӧвит нъяврам
кӧсащӧгыт, мӧн ос ном-
сысув, сӧвнув те тахмаӧ-
гыт, мӧн ос нас щӧгтӧв,
тӧнаныл пуссын выганӧв.

Тӧва Саранпӧвыл пыгыт
ӧлалъ ат ханищтахтасыт
ос сӧлыңколн рүпитаң-
кве минасыт. Тамле хӧтпа

сака мощща ос тӧнанылн
тамле ханищтап сака кос
ӧрнув.

– Нъяврамыт ты профес-
сият мӧгыс олн ойтуңкве
патӧгыт?

– Щар олн ойтӧл ха-
нищтавет, щӧнь-ӧщит нӧ-
матыр ойтуңкве ат патӧ-
гыт. Тамле вӧрмалъ пӧс
порат ӧлыс кос, ань нас
таве хот-ӧрувлавес.

Мӧныцти нӧн Вероника
Васильевнан мӧн пӯ-
машипа лӧтың лӧвӧв,
ты сака ӧрнә тӧла, ӧгит-
пыгыт школа ӧсланӧныл
порат тӧра профессияңыг
ӧмтӧгыт ос хотьют ӧрың
ӧлалъ рүпитаңкве пат-
хаты.

Галина
КОНДИНА

Мәнь пәвлытн нётэв

Туи Хальёс район Лопмус пәвлыт ялпың хотал вәрыглавес, мәхум тув сәв мәныл ялсыт. Саранпәвлытн культура кол кұшай нә Елена Валерьевна Савчук ҕыс, тав ётә потрамасум, тәланыл урыл китыглахтасум. Нән ань элалы Елена Валерьевна потре ловиньтәлбн.

– Лопмус пәвлыт мөлты порат 130 тәлэ төвлыс. Саранпәвлыт мирколт рүпитан хотпат Лопмус мәхум ёт потыртахтасыт, пәвланылт ты тәл лүпта этпост мүйлуңке патэв. Эргын-йквнэ тәла тармыл пуңкотуңке ам паттүвёсум, я-ты, щёпитуңке та ҕвлытахтасүв. Кульпас пәвлыт клубт рүпитан хотпатн ләтың кётсум, Лопмуст ялпың хотал вәруңке ҕс вос нётэгыт.

Мәк таи, ань пәвлыт мирн пұмыш вос ҕыс, мощ вос мүйлэгыт, ёмас номтыл вос ёмыгтэгыт. Мәнь пәвлытн ҕлнэ мәхум – Лопмуст, Кимкәсүйт ос Сүкырьят ялпыңхоталыт сака хунь вәшинтәлэгыт, мёрсың порат вәрыглавет. Лопмуст пёс клуб кол ҕыс, ос тув мәхум ат шалтсэгыт, ялпыңхоталыт порат тот ат мүйлэгыт. Түп нйврамыт мәгыс школат атхатыглэгыт, лүпта этпос ҕвлыт хоталт манос яңк

нәтнэ этпос 9 хоталт, тувыл та. Ос нас йк-ващлаңке тай кол әтим. Лопмус мәхум тәс клуб колыл тотуңке ләввёсыт, ос улпыл атхуйплов тәл минас, ань тыхотал мус үрхатэгыт.

Мәнь пәвлытн нётуңке эри, номсэгум, вуйхатэв те, акван-нётхатым сәв ёмас тәла вәруңке вёрмёв. Таимәгыс мәхум ёт та потыртахтэв, пормасыт щёпитэв, тотэв. Лопмустолум ялпыңхотал кастыл Саранпәвлыт ос Кульпас мирколт рүпитан хотпат сәв нётмил вәрсыт, пәвлыт мир янытлан нэпакытыл щёпитасаныл, рүпитан хотпат ос пенсиян минам мәхум пусын янытлавёсыт.

Кульпасныл клубт рүпитан эрыг-йкв тотнэ хотпат ёхталасыт. Ягрим пәвлытныл атың тәнүт тыналан нэг-хумыг ҕлсыг. Саранпәвлытн «Сделано в лауле» щаквцин колныл нэквет ёхталасыт, кәтыл



Е.В. Савчук, Е.В. Вьюткина ос М.П. Сайнахова

юнтум пормасаныл суссылтасаныл, ханищтап вәрыгласыт. Ам ос мәньщи ёнгилыт суссылтасум.

– Нйврамыт мәгыс ёнгилыт?

– Әти туп нйврамыт мәгыс, кәсың элумхәлас ёнгасаңке вёрми, мәнь манос яныгхотпа. Мөлты порат «Ёнгасан мә» проект тәла щёпитәлсүв, тынакт ләтың ёхтыс, ань та тәлав нөх-патыс, олныл миңке ләввесүв. Ханты мәхум «Нумас юнт» (Номсахтан ёнгил) наппа тәла щирыл сәвсыр ёнгилыт вәрёгыт – ййв-ҕвлытыл, квәлгыл ос әхвтасныл мәщтырлэгыт. Элнаң ханты мәхманыл манарыл ёнгасасыт, тох вәрёгыт. Мәнь мәхум манос яныгхотпат ёнгасанәныл порат маттем та

номсахтэгыт – ййв-ҕвлыт хоталь пинумтаңке манос квәлыг хоты нупыл пёрумтаңке, нарумтаңке, та маныр. Хотпа щәгтым ёнгасы, номсахты, ханьщи.

Ам остытәлантаимәгыс вуйхатасум, ань мәньщи мәхум тамле ёнгилыт ҕс вос ҕнщёгыт, янгемәне вос ёнгасэгыт, пёс йис накыт вос вәганыл. Саранпәвлыт ҕлнэ мәщтыр хум Юрий Константинович Ларионов төва ёнгилыт вәрыс, Лопмус мәхумн суссылтасанүв. Тан щәгтым ёнгасасыт, ләвсыт, сака пұмыш утыт, мот щёс ёхталанэв порат сәвнүв вос тотэв.

**Светлана
РОМБАНДЕЕВА**



Нйврамыт ёнгасэгыт



Мәньщи әгиришиг Нина ос Юля

Кārкам māñлат хōтнат

Ты тал «Югра
лылыёп»
наппа соссa м̄ахум
организация 35 талэ
т̄овлыс. Ань округ
янытыл с̄ав м̄аньши,
ханты ос ё̄рн х̄отпат
тув хасхатым бл̄эгыт.
М̄аньлат агит, пыгыт ты
организация хосыт ъс
с̄ав э̄рнэ р̄упата в̄арёгыт.

Хальўст ӧлнэ ма́нълат
нэ Валерия Новьихова
ёт ам Ханты-Мансийск
ўст вайхатасум. Тав вѳр-
тур этпост округ Дума-
колн яныг сапрӳнин
«Югра лылыёп» Хальўс
отделениятэ кўшай нэ
Калерия Супрун ёт ёхта-
лас.

Тонт округ янытыл
 блнэ соссa мӕхум тӕрви-
 тын вӕрмаляныл, пир-
 майтым сӕкконьт, нӕтмил
 вӕрнэ программат урыл
 потыртаңке ты уст ак-
 ван-атхатыгласыт. Такви
 урӕтыл Валерия Новью-
 хова тох потыртас:

– Ам Хальўст «Север-речфлот» нампa органи-
зацият рўпйтэгум, «Моло-
дежь Югры» нампa сoсса
мāньлат мāхум мāгсыл
вāрим организациян хас-
хатасум. Хāльўст ань 20
арыгкем мāньщи, ханты
мāньлат хōтпат тув ялан-
тэгыт.

Мән «Югра лылыёп»
Хальўс отделениятэ
Калерия Супрун кўшай
нэн ős нётэв. Ты кәркам
мәньщи нэ Хальўст 6лнэ
сосса мӑхманэ сӑвсыр
ялпың хӑталытн, суссыл-
тапытн, хӑнтхатыглапытн,
касылытн вӑвыglyнэ.

Тав м̄аньлат а̄гит, пы-
гыт акваг ханищтыя̄нэ,
т̄ан т̄анки п̄ес йис в̄ар-
маляныл вос янытл̄эгыт,
культураныл, щ̄ань л̄атҗа-
ныл н̄ох вос в̄ормалт̄эгыт.



В. Новьюхова



Р. Ананьев

Тамле яныг сапрāнин ам
 ѿвыл щёс ёхтысум. Тыт
 сāv мир акван-атхатасыт,
 тāн тāнки тэланыл урыл
 потыртасыт.

Кӯшаит тыт лāvсыт, мō-
тыт тālныл сoсса māхум
мāгсыл кол ёвтуңкве
нётнэ лильпи программа
рӯпитаңкве тах ӯвылта-
ты. Ам юв хунь ёхтёгум,
ты тёла урыл мāньщи,
ханты мāньлат хётпатн
тах потыртёгум.

Роман Ананьев Хальӯст
мāньлат хōтпат «Моло-

деж Югры» организа-
цияныл кущаиг ос «Югра
лылыёп» отделеният кў-
шай нэ Калерия Супрун
вāңын хōтпаг олы. Роман
Хāльўст товлыңхāпыт
иснэ мāt водителиг
рўпиты.

Тав ётэ ам Хальўст хўл
алышлан хōтпат янытлан
хōталт вайхатасум. Роман
мōт мāньлат пыгыт ёт
касункве тув ёхталас. Тав
лāвыс:

– Ам ётум Михаил
Яркин. Артём Новыховос

Владислав Батманов тыт касэгыт. Ты манылат пыгыт о́с «Молодежь Югры» нампa организациян хас-хатым о́лэгыт.

Мән сāvсыр ялпың
хōталн, ханищтапн вати-
хал ялантālэв. Мōлты
тāl мән Салехард үсн
«Российский Север»
нампa яныг сапрāнин
вōвыглавесүв. Россия
янытыл ёхалам мāнылат
мāхум рӯпатаныл тот
потыртасыт ос сāvсыр
проектаныл эрнэ щирыл
хансуңкве ханищтахта-
сыт. Ос мōлты тāl таквыс
порат Халты-Мансийск
үсн «Школа лидеров»
нампa ханищтапн ялсүв.

Хальӯс районт туи
«Маньхӕп» касыл щӕпи-
тӕлвес. Мӕн мӕнъщи,
ханты мӕнълат хӕтпат
ӕт мӕнхӕпыл товуӕке
Ягримн, Восынтӕр пӕвылн
ӕс вӕвыглӕвесӕв.

Тамле кәркам мәһнәт
хөтпәт Хәһһүст ты өләһыт
ос мәһһици, ханты мирыг
мәһһсыл сәв ёмас тәла
варёһыт.



В. Батманов, А. Новыхов, М. Яркин ос Р. Ананьев

Людмила ТЕТКИНА

Мәщтырыг ёмтум хум



Н.А. Тасьманов

Ты йист мән халувт мощца хөтпа мак пёс щирыл мәщтырлы. Тән халанылт Николай Тасьманов наме сака суйты. Хум Касум павылт олы ос атпан тәлэ төвлум кастыл таве янытлан магыс Ханты-Мансийск үст «Төрүм Маа» музейт махум акван-атыглавёсыт.

Өвләт Николай вөввес, тав такви урётыл мощ вос потырти. Хум тох лавыс:

– Ам мәньтагыл ворт ащойкам ёт олсум. Омагум-агягум павылт олсыг. Туи пора ёхты, ам ворттав палтэ та тётавем. Тав руц ләтһыл потыртаңкв щар ат хәсыс. Тав матыр вәри, ам тав ляпатән үнтэгум ос ёргащлахтуңкв та овылтахтэгум.

Аквмат порат касажум хот-тыпылтаслум, ащойкам тёрняль ләкквалбсталастэ, акв тёр-лөмтэ анумен мистэ ос лавыс, корпиныл ам амтинәм-нумен касай вос тивтантэгум. Тох ты ам овыл-

касажум вәрыслум.

Титхуйплов тәлум порат тав анумен писалъ мис, пәтлуптаңкв ханищтастэ. Ам вәс пәтлуптаңкв минасум. Ат вәс юв-тотсум, щәгтым ащойкам палт ёхтысум. Тав ам нупылум аңкватәлыс ос кантыңыщ лавыс: «Наң воссыг вора-яңкв ат минёгын. Манрыг тасәвит вәс пәтамтасын? Титахтемтотсынте, төвлы».

Мощ яныгмасум, тав анумен камка вәруңкв үнттыстэ. Өвләт ам мәнь камка вәрсум, нас ханищтахтасум. Тувыл яныгнув камка вәруңкв лаввёсум. Ульпа тәрыт тав такви щёпитасанэ, ам туп кам-

кан сагсанум. Сака хоса рупитасум ос матъёмас астлыслум.

Тув сыс мән тав ётә ньяль магыс норыт щёпымән, тувыл вөртур этпост сунквен пиныанмән, ос суй хосыт та хартатахтыглымән, тот ньяль вөрымән, тыт ньяль вөрымән. Мәнь сөжумришт ос әрпи вәримән, тот антәтыр пувсумән. Тох ты ащойкамн мәщтырлаңкв ханищтавёсум.

Николай Анато́льевич Касум павылт ныврамыт ёт рупитаңкв акваг вөвыглаве. Тав «Нумсаң ёх» ущлахтын мәт ныврамыт ёт рупиты. Ты урыл тох потыртас:

– Ныврамыт ёргащлахтуңкв сака кәсәщёгыт. Хөт вөрт мощ хайтыгтэгыт, тувыл ам ляпамн үнтылматэгыт, ос матыр вәруңквта түйлтхатэгыт. Ос юи-өвыл тәлытт савсыр йильпи сәкконыт пирмайтавёсыт, тәрвитың рупитаңкве ёмтыс.

Мән мәньпороват тулөвланув касайл яктыянув, сәграпыл ләгланув сәграпиянув. Лап-пёриянув, элаль та хайтыгтэв. Ань ос ныврам яктхатас те, тәра пүльницан тётаве. Тув ёхты, ләккарыт ос полиция махум тув вөвияныл. Тувыл мән та уральтавёв.

Ам рупитаңкв овылтахтамум порат, сав ныврам ёт рупитасум. Тән ань пуссын янгыт, щёмьяңыг ёмтсыт. Ос халувт ань ты хөтал мус хөнтхатыглэв, юртыңыщ өлэв. Төванакт вөрн вөраяңкв аквёет ялантэв.

Искусствовед-нэ Наталья Николаевна Федорова хум янытламе порат сака ёмас ләтһыл лавыс. Тав потыртаме щирыл, Николай Анато́ль-



евич ань сака яныг мәщтырыг олы, 2006 тәл пәс-ныл «Народный мастер России» яныг намыл маим олы. Хөтпа ты яныг намыл нас хунь майвес, ты нам ошнэ магыс сав рупитаңкв эри, мак пёс йис вәрмалаянув щирыл мәщтырлаңкве ос пёс накыт вәңкве эри.

Ань музейт вас-имтат суссылтавёсыт, тәнаныл Николай ащойкатэ хосат вәрсанэ. Ты урыл потыртаме порат учёный-нэ лавыс:

– Нән ул номсэгын, йивныл нас вәрим имтат. Тох ат олы, тән ань «народный скульптураг» лававет, туп сосса хум хөтпат тамле имтат вәруңкв хәсэгыт. Мәньщи ос ханты хумыт тәнаныл вәруңкв ат те патэгыт, нән пёс мәщтырлан наكانын хотталь та сөймёгыт. Матъёмас мән халувт тамле мәщтыр хөтпат өлэгыт, тән хосытаныл пёс олупсан иң тах сав тәл элаль олы.

Ты туи ойттур этпос 8 хөталәт хум 50 тәлэ төвлыс. Ты кастыл музей-колн ёхталам хөтпат пуссын Николай Анато́льевич Тасьманов янытласаныл, сав ёмас ләтһыл лавсаныл, савсыр мүйлупсал мүйлуптасаныл.

Валентина ХОЗУМОВА

Няврамыт кина пōслысыт

Надежда Юрьевна Ерошевич (Илюшникова) Саранпāвылт олы ос «Сāлыкве» намба мāнь няврамыт колт ханищтан нэг рӯпиты. Мōлты тав аквѣт рӯпитан хōтпанэ ѓт «Мультимедийное пространство» намаим проект щѣпитас.

Тувыл таве тѣлаг вāрнэ мāгыс Елена ос Геннадий Тимченко мирн нѣтнэ фонд-колныл олныл тас-тувѣсыт. Рѣтың юсвой ѓтпост тāн ты олнытыл ноутбук ѓвтсыт, тув ѓрнэ программа щѣпитасыт ос няврамыт ѓт ѓлаль рӯпитаңкве патсыт.

Ань ты тѣланыл ѓвыл-тыт Надежда Юрьевна мāнавн тох потыртас:

– Мāн ань Елена ос Геннадий Тимченко намба фонд-колн яныг пӯма-щипа лāтың лāвѣв, тāн мāн проектв суссаныл ос сака ѓмашакв нѣтсыт. Мāн мультикыт пōслын ѓлы-пāлт няврамыт ѓт ѓвлѣт акв-кит ѓтпос сь

ѓрнэ тѣлат пуссын тāра-паттысанӯв ос тувыл ущ вāти мультфильм мāнки та пōслыслӯв. Кāсың вāрнутанув лāкква-ӯр-тым ханищтасанӯв, руш лāвнэ щирыл тāнаныл ѓтапыг хассанӯв.

Ѓвлѣт мāн няврамыт ѓт мультикыг суснэ тѣла ѓвылтыт потыртасӯв ос тамле пӯмыщ накыт осн-паттысанӯв, тот пōслым уйхулыт ос мōт суссылтан утыт āти лылыңыт. Тāн пѣнтсыланыл ѓлумхōлас матыр вāри ос потырты.

Мультикыт вāрнэ кāсың хōтпа такви рӯпататэ янас вāритэ, тыи олн ойтнэ хōтпа, сценарий хаснэ хōтпа, режиссѣр-



Телефонын пōслуңкве ханищтахтѣгыт

мультипликатор, анима-тор, хурит пōслын хōтпа, актѣр ос ѓргыт хаснэ хōтпа.

Китыт накѣт – тыи маныр суссылтанкве патѣгын, ты урыл вос номсахтѣгын. Мāн ань мāхум тāнки халанылт ѓлнѣныл урыл суссыл-танкве тахмаясӯв. Янгыщ āгмың-мосың, сакватах-там хōтпат ѓт ѓмшакв ѓлуңкве хāсѣгыт ман āти, та тѣлат суссылтанкве номылматсӯв.

Тāн ѓтаныл юртыңыщ ѓлуңкве ос тāнаныл акваг нѣтуңкве ѓрѣгыт. Ань няврамыт тамле накыт ѓмшакв вос тор-гамтасаныл, мāн ѓнгил вāрсӯв. Тāн акв лāглыл мōт мāн вос ѓмасѣгыт ос акв кāтыл туп нѣтуңкв лāвсанӯв, тувыл саманыл лап-нѣгсаласанӯв, тāн та щирыл матыр вāруңкве вѣрмѣгыт ман āти. Тōнт тāн ушта āгмың-мосың, сакватахтам хōтпат тār-вityн ѓлупсаныл тāра-паттысаныл. Насати, тох сака тārвит матыр вā-руңкв ѓлнѣтэ.

Тувыл мāн мультик пōслын мāгыс аквѣт хоса номсахтасӯв ос акв нак ѓлаль тотнэ мāгыс тув уйхулыт пѣриясӯв. Тāнаныл пластилиныл

вāруңкве патсанӯв.

Хӯрмит накѣт тох олы, няврамыт тāнки сыре-сыр историят номылматуңкве вѣрмѣгыт. Тувыл пластилиныл матыр вāрѣгыт ке, тōнт ѓс ѓмшакв номсахтуңкве патѣгыт ос кāтыл мāщ-тырыг рӯпитаңкве хань-щувлѣгыт.

Ты коныпал тāнки халанылт сāv потыртѣ-гыт, тѣланылт кисхатым воритотѣгыт ос рӯпата-ныл ѓмшакв вāрнэ хōтпаг ѓмтѣгыт. Тох мāн нявра-мыт группаг уртсанӯв ос тāнанылн нѣтым номта-ныл щирыл мультикыт ѓлаль щѣпитаңкве унтты-санӯв.

Нилыт накѣт – тыи мультик пōслын мāгыс сыре-сыр уйхулыт ман пормасыт вāруңкве ѓрыс. Тувыл āгирищит-пыг-рищит тāнки халанылт потыртахтасыт, хотьют пластилиныл маныр тах вāри. Ты рӯпатаныл вāр-нѣныл сьс тāн пластилин лōмтэ щирыл хōт та ѓл-понигтанкве, хōт та ос акван-восилтанкве, мōт лōмтѣт акван-пѣрумтан-кве ханищтавѣсыт.

Тамле ханищтап «пла-стилинографияг» лāваве. Тыт матыр щѣпитанѣв



Пластилиныл ханлѣгыт



сыс мән няврамыт ёт сценарий урыл потырта-сүв. Тувыл үйхулыт маныр вәруңкве патёгыт, маныр ләвёгыт, таит пуссын аквьёт тәра-паттысанүв ос ләтңаныл ёмщакв ханищтасанүв.

Атыт накёт – мән мультипликацият пёслым накыт элалё ханищтым суссанүв. Тот кәтыл пёслум хурит аквтупмат лылыңыг ёмтапёгыт, нә-пакн пёслым элумхёлас манос үйхулнёвсы, тыглетувле ёмыгыт, хайты, потырты манос эрги, ййкви. Ань маныр ос хумус суссылтаңкве эри, тән пуссын вәрёгыт.

Тонт мән няврамыт ёт сыре-сыр хурит щёпитасанүв, ты халт номсахтасүв, хоты мāt үйхуланув акван-атхатёгыт, хоты пораг тах олы, хотыютаныл ёмас номтыл ос хотыютаныл касмос-тәлыг тах олэгыт, хотыт маныр ләгалы. Тамле тәлат ань пуссын ханищтасанүв.

Ос юи-ёвылт – тыи «Среда возможностей» Тимченко фондот олныл щёпитан проектаныл ос тувыл мәнки «Мульти-медийное пространство» намаим проектув тәлаг элалё щёпитаслүв, няврамыт тәнки пұмыщ мультик пёслысыт.

Ты рұпатат әгирищит-пыгрищит тәнки режиссёрыг ос хурит пёслын



Н. Ерошевич кетум хурит

хөтпаг олсыт, тув рөвнэ эрыгсов хөнтсыт ос тув щёпитасаныл. Мультикыт кәсың олыглан нак суссылтаңкве ос тув пёслуңкве тәнаныл сака тәрвит олыс.

Кәсыңъёмт тәнаныл мультикын пёслым үйхулыт эрнэ щирыл хотмус хұтылтәнтүңкве ос тұщтыгланкве эрыс. Та щирыл хотыютаныл хайтым тув кәрты, мөтанэ ёл-рагаты манос поргим суссылтаве, та сыс вильтопияныл матыр щәгтым лягалэгыт, кантмаим рөңхувлэгыт. Тамле накыт аквторыг суссылтаңкве сака рұпатаң тәлаг олы.

Ань мультик вәрмув ос пёслумув порат кәсың әгирищ ос пыгрищ такви үйхулэ ёмщакв уральтым оныщистә. Тав нәматыр ул вос ёрувлас, хөт ос маныр элалё вәруңкв эри.

Тән ань тахольт пластилиныл вәрүм үйхуланыл тәнки тыглетувле

лаквәтәлсаныл ос кәтаныл хурин ул вос тәлсыт, эрнэ торыг хот-висаныл. Тувыл акв матыр вәрнут сака сәв щёс пёслуңкве эрыс.

Няврамыт ты рұпата-ныл вәрнэныл юи-пәлт мультик акван-щёпитаңкве яныг хөтпатн элалё ёмщакв нётвёсыт. Тувыл аквьёт эрыгсов ос сыресыр эрнэ суйит тув вәрсыт.

Тох аквьёт рұпитан нәмёнтыл Анна Григорьевна Ельпина ёт ос няврамаквет Теплоухова Милена, Першин Данил, Таратова Ирина, Рахтымов Фёдор, Вьюткин Григорий, Анямова Инна, Филиппов Иван, Тихонов Виктор, Салиндер Венера, Ондар Виолетта, Кайдалова Василиса юнтпың үй урыл мультик пёслысүв.

Ты таквсы сәвыңпәлэ ты әгирищит ос пыгрищит, Гриша коньпал, пуссын школа овыл классын

минэгыт. Мән тәнаныл ёмщакв ханищтахтүңкве ләвиянүв, пус кәт, пус ләгыл. Ань ты няврамыт вәрүм мультиканыл нән ищхыпың ут хосыт хөнтүңкве ос сунсуңкве вөрмегын: https://vk.com/wall-216226909_1008

Тыи әти туп акв пёслум утув, мөт мультикыт ос вәрсанүв. Ань няврамыт ёт мән пуссын рұпатав нән «Сәлыкве» наппа ищхыпың лөпсыт сунсуңкве ос ляххалыт ловиньтаңкве вөрмегын.

Мән Елена ос Геннадий Тимченко фонд-колт рұпитан хөтпатн яныг пұмәщипа ләтың кетэв, тән мәнаван «Детский сад – территория традиций» наппа тәлат сака ёмас ос эрнэ нётмил вәрсыт.

Надежда Ерошевич
кетум потре мәнъщи
ләтңыл Тамара МЕРОВА
хансытә

Хөнтаң мәньщи нэ потре



Т.Г. Давыдова

Татьяна Григорьевна Давыдова пенсиян патхатаме юи-пәлт волонтерыг хасхатас ос мот хөтпат ёт Хөнтаң район Кондинский пәвилт өлнэ мирн нётункве ос эрнэ рүпата вәрункве патыс.

Молты тәл тав Ханты-Мансийск үсн касылн ялыс, округ янытыл ёхта-лам махум халт нөх-патыс ос хурмит места тот вис. Татьяна Григорьевна такви вәрум рүпататэ урыл тох лавыс:

– Та касылн волонтерыг өлнэ хөтпат тәнки вәрнэ рүпатаныл потыртаңкве ёхталасыт. Ам потрум «Моя судьба –

Югорский край» Кондинский пәвилт музей-кол урыл ылыс.

Мән өлнэ мәвт пёс йис пора тәгыл мәньщи өлэгыт. Пәвлувн 300 тәл ювле хультум порат махум өлмыгтасыт. Ётыл рушит ёхтысыт, тонт пәвилт аквпал ёре мәньщи пәвлыг, мөтпал ёре – руц пәвлыг намаявес. Ос музей колувт манхурип

пёс пормасыт, нэпакыт суссылтавет, та урыл ос латын лавсум.

Ань Кондинский пәвилт 21 элумхөлас волонтерыг өлэгыт. Ты организациан мән кәсың хөтпа хасхатункве вөвилүв. Пәвлувт мән сәв махумн нётэв, акв яныгпәла хөтпатн ульюв халталэв, мөтанит витыл тотыянүв, ләпкан тәнүт мәгсыл ялэв, төва хөтпатын палт нас потрамаңкве ёхталэв. Ты нётмил вәрнэ тэла «Добрососед» намаяслүв.

Мән СВО мәт хөнтлын хөтпатын, тән щёмьянылн ос нётэв. Тән мәгсыланыл эрнэ пормасыт сагёв, юнтэв. Ос олн атэв, тәнүт ёвтэв, тәнанылн кётэв.

Ты тәл «Не стареют душой ветераны» нампә ялпыңхөталн вөвыгла-весүв. Тув Хөнтаң район янытыл 300 арыгкем элумхөласыт ёхталасыт. Кәсың элумхөлас СВО мәт хөнтлын хум хөтпат мәгсыл матыр ёвтыс, матыр ёт-тотыс.

Тонт мән пуссын аквьёт сәв пормас ос тәнүт акван-атсүв. Тыщирыл

хөнтлан махманув нёты-янүв. Ам рүтум ос хөнтлаңкве ялыс, кәтэ тот сак-ватавес, ань юв ёхтыс, пусмалтахты. Ты пыгытын нётункве эри, юв пуста-гыл пуссын вос ёхтэгыт.

Татьяна Григорьевна «Совет ветеранов» нампә организация щирыл ос сәв рүпата вәри. Тав мөт хөтпат ёт яныгпәла махумн нёты, сәвсыр ялпың хөталыт, хөнтхатыг-лапыт, суссылтапыт ос сәв мөтэрнэ тэла щёпиты. Ты рүпататэ урыл тав тох потыртас:

– Кәсың тәл Победа хөтал кастыл мән «Труженик тыла» нам өщнэ яныгпәла хөтпат яныт-лыянүв, мүйлупсал мүйлуптыянүв. Ань пәвлувт тамле туп ат элумхөлас өлэгыт.

Хөнтлаңкве ялум яныгпәла хөтпа пәвлувт атим. Ам ляпа рүтум Мария Ивановна Урубаева юи-өвил хөнтлаңкве ялум хөтпаг ылыс, тав атимыг ёмтыс.

Түяг Конда я вәтатэ хот-сыстамтылүв, порсыт акван-атыянүв. Пәвлув үскант мән кәсың тәл



Агияге, пыге ос апыгрище



Волонтер махум



Оматэ



Т.Г. Давыдова



Кондинский павылт блнэ мэхум

хорамың лүпта үнттэв. Ос туй сыс ныврамыт ёт ты лүптат аквьёт янмал-тыянүв, уралтыянүв.

Таквсы овылщёс школан миннэ ныврамыт ялпың хоталыл вэриянүв, хорамың лүптал мүйлуптыянүв. Тән мәгсыланыл ос концерт щёпитэв, эргёв, ййкёв.

Татьяна Григорьевна Хонтаң районт самын патыс, тот яныгмас. Такви урётыл ос ляпа рүтанэ урыл тав лавыс:

– Ам Кондинский павылт самын патсум. Омам Прасковья Карповна Иванова, такви опарыщ наме Урубаева, мәньщи нёг олыс, атам – руш хум.

Анёквам, ащойкам Панькино павылт олсыг. 1941 тәлт ащойкам Карп Иванович Урубаев войнан тотвес. Төнт анёквам хурум агиянэ ёт Кондинский павылн вәнтлас. Ащойкам аквта тәл Ленинград үс пөхат порславес, та мәт ёл-щёпитавес. Павлувт үскант ахвтасың пәрт түштүвес, хөнтлам хөтпат наманыл тув хасвёсыт. Ащойкам наме ос тот олы.

Омам 13 тәл пәсныл заводит рүпитас. Тот мэхум Хонтаң районт яныгмам савсыр лүптаныл тәрпи вәрсыт. Ос элалё войнан кётсаныл,

ты тәрпил сакватым хөтпат пусмалтавёсыт. Щёмьят мән хөт ныврам яныгмасүв, ань мән хурум хөтпа хулытсүв. Колтәгланув ёт пуссын Кондинский павылт блэв.

Овыл школат ам тыт ханищтахтасум, тувыл омагум-агягум Три Конды павылн вәнтласыг. Тот ййвныл норыт, пәртыт силнэ заводын рүпитаңкве патхатсыг.

Тот ам 8 класс әстласум. Юртәгим Ханты-Мансийск үсн акушеркаг ханищтахтуңкве ми́нас, а́нум ёт-вөвыстэ. Төнт Луговое павылныл товлыңхәпыл Ханты-Мансийск үсн тылам-ласмён.

Тот экзаменыт хассумён, ам ханищтахтуңкве вуйвёсум, юртәгим – а́ти. Тав юв ми́нас, ам лёккарыг ханищтахтуңкве патсум. Төнт мән маснудыт майвесүв, хөтал сыс хурум щёс тыттувесүв, ёмашакв ошвесүв.

Общежитие-колувт тэлы сака ащирмаң олыс, күранув такос палтыгласүв, улыйиванув витыңыт, ат тэвет. Алпыл нөх-квәлэв, ловтхатункве минэв, витув тув пөлима, тув мус ащирмаң олыс.

1975 тәлт ханищтах-

туңкве әстласум, Ханты-Мансийск үс пүльницат рүпитаңкве лаввёсум. Ам тот олункве ат кәсащасум, юв Кондинский павылн воратасум. Лов тәл лёккарыг павылт рүпита-сум.

Тыт хум вәрсум ос колтәглум ёт Урай үсн олункве вәнтласум. Нывраманум төнт иң мәнит, очередь тәл садикын ат вивет, тымәгсыл ам тув рүпитаңкве патхатасум. Нёлолов тәл ныврамыт үргалым рүпитасум. Ту-выл колтәглувтыл ювле Кондинский павылн вәнтласүв.

Төнт 90-ыт тәлытт сака тәрвитың пора олыс, олн ат ойтвес, тэнут ләпкат ос ат тыналавес. Хурум нывраманум янмалтаңкве ос тыттуңкве эрыс. Рүпата төнт а́тим, ам ләпкан тэнут, пормасыт тыналаңкве патхатасум.

Пыгум ос кит агиягум школа әстласыт, тувыл элалё ханищтахтуңкве ми́насыт. Пыгум ань Магнитогорск үст олы. Агягум Ханты-Мансийск үст колтәглагён ёт блэг.

Акв агим «Газпром-нефть-Хантос» на́мпа компаният экономистыг рүпиты. Мөт агим Сбер-банкыт рүпиты. Тән сас

кит ныврам о́ныщёг. Ты э́лы-пәлт Ханты-Мансийск үсн акваг ялантасум, агягум нывраманэ́н ёт нё́тсагум. Ань апыгрищанум мощ яныгмасыт, школан ялантэгыт, ам палтум тәнки ёхталэгыт, туй сыс тыт блэгыт.

Нывраманум пуссын мә́ньщииг хасхатасыт. Агягум сосса мэхум кол ёвтнэ программа щирыл блнэ кол ёвтсыг, субсидия-олныл тәстувесыг. Ам нывраманум ос апыгрищанум акваг потыртыянум, тәнки анёкваныл, ащойкныл, пёс рүтаныл урыл ос вос вәгыт. Мә́ньщи пёс йис вәрмалит вос янытлэгыт.

Ам ань апыгрищанум мә́ньщи олупсаныл урыл акваг потыртыянум. Кондинский павылн хунь ёхталэгыт, музейн, нёпак ловиньтан колн акваг ялантэв. Тот мә́ньщи пёс олупсаныл урыл пүмшалахтэв. Анна Конькова, Андрей Тарханов, Евдокия Кузакова ос мөт хонтаң мә́ньщит хансум нёпакыт юн о́ныщёгум, апыгрищанумн ты нёпакыт ловиньтыянум.

Людмила
ТЕТКИНА

Пёс наханув элалъ вос блэгыт

Хальүс район янытыл блнэ төва маныщи
ос ханты махманув пёс йикванув,
эрганув ханищтыяныл, элалъ тотыяныл.
Лүпта этпост Хальүст йиквыт ханищтан
хонтхатыглап вāрыглавес, сосса махум акван-
атхатыгласыт. Хотыют хотыл ёхталас, ты урыл
нāн анъ элалъ ловиньтāн.

Кульпас пāвылныл
«Юртнэ» ос «Ойнас» ан-
самблиг блсыг. Мāныщи
нэ **Светлана Николаевна
Немкова** «Юртнэ» тармыл
пунктоты, тавтохпотыртас:

– Кульпас пāвлувт
«Найотыр Маа» музей
блы, тот атхатыглахтэв,
эргыт ос йиквыт ханищ-
тэв. «Юртнэ» ансамблюв
ты порат 31 тэлэ төвлыс.
Ты эргын-йиквнэ тэла
Анфиса Михайловна Хро-
мова бвылтастэ, школат
ханищтахтын āгит ёт
мāныщи эргыт ос йиквыт
ханищтасыт.

Ам мāнътāгыл «Юртнэ»
ансамблит эргуңкве
патсум. Мāн анъ нила
мāныщинэтэргёв – Татьяна
Абрамовна Качанова,
Альбина Митрофановна
Кулешова, ам ос Татьяна
Андреевна Канева.

Тынакт Хальүст мāн
йиквыт урыл потрыт
хўнтлысўв, ханищтан
нэ Фаина Павловна
Иштимирова татем пўм-
щиг потыртас. Тувыл сус-

сылтас, пёс махманўв
мāныщи ос ханты йиквыт
хумус йиквсыт. Потыртас,
хумус акв щырыл йик-
вуңкве эри, āгиришит ёт
сāв рўпитас, тувыл тāн
татем йиквуңкве патсыт,
щāгтым ёңхатахтыгласыт.

Юи-бвыл хотал кāсың
ансамбль йиквыс. Фаина
Павловна Тэк пāвыл
āгиришит ёт хўрум хотал
«Хўл алыщлан āгит йикв»
ханищтасыт, сценат татем
нётнэг йиквсыт.

Матьёмас тамле ха-
нищтапыт вāрыглавет,
мāныщи нāврамыт ос
мāнлат хотпат вāңкв
патэгыт, хумус йиквуңкве
эри, тāнти культураныл
вāңкве ос янытлаңкве
патыяныл. Ты ханищтап
мāнавн сака мўстыс,
вāтихал вос вāрыглаве.
Эргын-йиквнэ махманув
анъ вāганыл, мāн пёс
йис блупсав, йикванув-
эрганув мирн пўмщалавет.

«**Ойнас**» ансамбль
тармыл **Альбина Митро-
фановна Кулешова**



И.Ф. Новыхова ос К.А. Супрун йиквёт

пунктоты. Тав лāвыс,
эргуңкве Кульпас школат
ханищтахтын āгиришит
ёхталэгыт, хўрум тāl ты
эргёгыт, йиквёгыт.

Восыңтўр пāвылныл
«**Султум**» ансамбль блыс,
кўщаяныл мāныщи нэ
Лариса Петровна Дяк.
Китыглахтасум, эргуңкве
хунь патсыт, Лариса
Петровна лāвыс:

– Эргын-йиквнэ āгири-
шит пуссын мāныщит,
школат ханищтахтэгыт
– Катя Полякова, Рита
Долгова, Генриетта Рын-
дина, Дарина Манцева ос
Лиза Непомнящих. Ам кит
тāl ювле хультум порат
клуб колн рўпитаңкве
патхатасум. Мāныщи ос
ханты эргыт ос йиквыт
урыл нэмхотыют ат
номсыс, ялпыңхоталыт

порат хотыютув йикви,
тамле хотпа āтим. Тувыл
ам ансамбль вāрсум,
āгиришит ёт мāныщи эр-
гыт ханищтаңкве патсўв.
Кит тāl ты эргёв.

Восыңтўрт Тāгт ос
Ас мāныщит ос хантыт
блэгыт, таимāгыс пёс
наханув пуссын акван-
тэлыглахтасыт, эрганув-
йикванув, маснутанув, та
маныр.

Анъ ты туи матьёмас
Хальүсн вбвиньтāлвесўв,
тот мāныщи ос ханты
махум мāгыс йикв ха-
нищтап вāрыглавес. Ам
номсэгум, тамле ханищ-
тапыт вāтихал вāруң-
кве эри, нāврамыт нупыл
потыртаңкве, пёс мах-
манув манхурип йиквыт
бщсыт, вос вāганыл, вос
ханищтыяныл.



Кульпас мāныщи нэт С.Н. Немкова, А.М. Кулешова ос Т.А. Канева



«Ойнас» эргын хотпат

Хальүст ӧлнэ мӕнщи нэ Калерия Акрамовна Супрун «Ма мувем» («Ам мам») ансамбль кущаиг ӧлы, тав тох лӕвыс:

– Мён ань Ирина Фоминична Новьюхова ёт мӕнщи ос ханты ййквыт ханищтымён. Ты ансамбль 2005 тӕлт вӕрвес, мӕтынтыг хус тӕлэ тӕвлы. Эргын хӕтпа тай сӕв ӧлы, нӕт ос яныгхӕтпат, мӕн мӕнщи ос ханты эргыт ханищтӕв, эргӕв. Ань щӕнӕлӕтӕгув хотталъ сӕймуӕкве патсӕй, сакати ййкванув ос эрганув вос ӧлӕгыт, суйтӕгыт. Таимӕгыс ты Хальүс район янытыл ӧлнэ мӕнщи ос ханты нӕквет, ӕгиришит-пыгришит акван-атыгласанӕв, ййквыт урыл потыртасӕв.

Тӕк пӕвыл ханты нэ **Олеся Вячеславовна Хандыбина «Ӑс нӕ»** коллектив тармыл пуӕкоты. Тав школат рӕпиты, нӕврамыт ханты лӕтӕн ханищтыанӕ. Нӕ лӕвыс:

– Ӑгиришит ёт сӕв тӕл Анастасия Алексеевна Новьюхова рӕпитас, тав тӕнаныл мӕнӕтӕгыл ханты ййквыт ййквуӕкве ханищтасанӕ. Нӕ ань пенсият ӧлы, клуб колныл ӧс пӕхан минос, тувыл «Ӑс нӕ» кущаиг ам паттувӕсум. Ӑгиришит ййквуӕкве хӕсӕгыт, пӕс ййквыт вӕганыл. Туяг «Мелодии журавля» конкурс ӧлыс, мӕн тот китыт места висӕв.

– **Олеся Вячеславовна, нӕн пуссын ханты супыл ӧлӕгын, хотьютн юнтвессын?**

– Кӕсыӕ ӕгирищ щӕщӕква манос анӕква ӧнщи, тӕн юнтӕгыт, ань апыгрищаныл нӕтнӕ супыл вос ййквӕгыт. Яныгхӕтпат вӕганыл, пӕс мӕхум манхурип супыл ӧлсыт, хумус ййнуӕкве ос юнтуӕкве эри. Ос хӕтпа щаквщӕкве ат те хӕсы, хулыглаве, халанылт ханищтахтӕгыт.

Ханты эргыт школат щӕн лӕтӕн урокыт ханищтӕв. Эрыг ам ӧвлӕт руш лӕтӕн толмашлылум, ань нӕврамыт вос вӕганыл, маныр ӧвылтыт эргуӕкве патӕв. Тувил ханты лӕтӕн аквӕёт потыртыанӕв. Ювле хулытум тӕлт «Тӕкӕги» ос «Ӑринӕква эрыг» ханищтасанӕв.

Хальүст ӧлум семинарын Ханты-Мансийск ӕсныл нӕврамыт ос мӕнлат хӕтпат ханищтан нэ **Фаина Павловна Иштимирова** вӕвиньтӕлвес. Таве китыгласлум, мӕнщи ос ханты нӕврамыт ёт хумус потрамас, манарн ханищтасанӕ. Фаина Павловна тох лӕвыс:

– Ййквыт урыл потыртасум, лӕвсум мӕнщи ос ханты ййквыт ӧлӕгыт, вос вӕганыл, ханьщияныл. «Кӕринька» ӧс сӕвсыр щирыл ййквале, тав кӕсыӕ коллективын вӕве. Супаныл, тӕраныл ос



«Султум» эргын хӕтпат



«Ӑс нӕ» эргын хӕтпат

ӕтаныл урыл потыртасум, мори маснут ул вос маса-пӕгыт, пӕс мӕхманув манхурип маснутыл ӧлсыт, тамле маснутыл вос ӕмыгтӕгыт. Мӕнщи манос ханты тӕр вос пинӕгыт, ӕтаныл сагыл вос сагияныл. Ты ос мӕт сӕв тӕлат урыл потыртасум, ханищтасанум.

Нӕврамыт Хальүст ӧлум

ханищтапын ӕхталаманыл мӕгыс янытласанум, лӕвсум, мӕн ат те патӕв ййквуӕкве, ты тӕла палт воссыг хотьютув вуйхаты. Акван-нӕтхатуӕкве патӕв те, халанувт ханищтахтуӕкве, пӕс наканув тах ӕлалъ моц ӧс ӧлӕгыт.

Светлана РОМБАНДЕЕВА



К.А. Супрун ос Л.В. Кашлатова



Ф.П. Иштимирова



Эрыг тотнӕ мӕхум

Тёранак вәрнэ мәщтыр нэ

Пёс йис порат мән мәхманув сәв пормас тәнти вәрыгласыт. Ань ос тёранак вәрнэ хөтпа урыл потыртэв.



Л.И. Яскевич

Ты ханты нэ наме **Лидия Ивановна Яскевич**, такви барищ наме Покачева. Мән тав ётэ Сургут үст акван-хөнтхатыгласмән, мощ потыртасмән, такви урётыл ты нэ тох ләвыс:

– Ам Нижневартовский район Аган павылный олэгум, тот ремёсла колт рүпитэгум. Мән савсыр щирыл тот мәщтырлэв – сакный хорамыт хартэв, маснут юнтэв. Ам ос тёранак вәрнэ мәщтырыг олэгум. Тыг Сургут үсн таи мәгыс ты вөввёсум – тёранак хумус вәраве, мирн суссылтаңкв эри.

Тыг ёхтынэв элы-пәлт мән вөрн ялсүв, тот ұльпа тәрыт атсүв. Тәрыт тәра сыстамтаңкв эри. Ат те сытамтавет, тән лүлиг ёмтэгыт, тув-төсэгыт. Мән ёмащакв щёпитасанүв, тувыл холодильныйкыт бөщанүв. Тыг тотсанүв,

ам мәщтырланэм элы-пәлт тәнаныл витыт тытылтасанум.

Лидия Ивановна вө-выслум, тав такви щёмыа-тэ урыл вос потырты. Тав тох ләвыс, анёк-ватэ Тромаган павыл-ный олум, такви барищ наме Айпина. Хум вәрыс, Русскиный олнэ мән тотвес, Қоғалым үс ляпат олсыт. Агитэн, ты Лидия Ивановна ома-тэ, ос Покаче-выт палт тотвес.

Лидия Ивановна ома-тэ ань вөрт әпщитәнтыл тәнттетэн олэг. Агитэ хо-сат хотталы щалтыс, щак-выт порсыс. Ома-тэ әпщитэ наме Павел Владимиро-вич Русскин.

Тән хусахтем сәлы бөньщег. Пөль хунь вәри, тән сәлыаннән сәлитым ёт мөт мән вәнтлэг, ёрнколт олэг. Тувыл ювле коланнән ұнлын мән ёхтэг. Тәнти



Вәрум тёранакаге

сас яныгпәлаг ёмтсыг, ос тох сәлыаннән ұрим тәнт-тетэн вөрт та олэг.

Лидия Ивановна мәщ-тырлаңкв сака хәсы, Сургут үст олум фести-валыт тав тёранак вәрнэ рүпата суссылтас.

Ләвыс, тёранак вәруңкв анёкватэн ос ома-тән ха-нищтавес, тән сас мәщ-тырласыг. Ёльпа тәр тән тув порат манос таквсы атыяныл. Аган пәвланыл ляпат сәв ёльпа яныгми, тув ялантэгыт. Сургут үст мәщтырланэныл порат тав тәрыт витыт акваг тытылтасанэ, тән хунь кәминьтат, ёмащакв хұт-сэгыт ос рүпитаңкв кұп-нит.

Тёранак паттатэ лям-йивный вәраве, лямйив таквсы порат сөпаславе, сака те вөвта, тав супыг яктаве, мощ осыңнувег те олы, нилаг яктаве. Ос хунь мощ төсамыг те ёмты, тәра витн пинуңкв эри.

Нэ щёмыа-тэ урыл титыг-ласлум, тав ювле тох по-тыртас. Ойкатэ белорус хум, нила нйврам янмал-тасыг. Яныг агитэн янас олы, щёмыа-ныг ёмтыс, хұрум нйврам бөньщи. Котиль ос мән әгиягән,

мән пыгән тән ётэн олэг. Пыгән армияныл ущты ёхтыс, ань пәвылт олы, рүпиты.

Ойкатэ олум мән акваг ялантэгыт, юи-бывл щёс тув ялманыл порат, тот мощ олсыг, ос ойкатэ ювле вөвхатуңкв патыс, ләви – юв минымән, тыт вәг-тал патсум. Аган пәвылт олункв ханьщувлас, такви вөраим яласы, хұл алыщлы. Сосса хөтпаг та-сәвит тәл сыс та ёмтыс.

Лидия Ивановна титыг-ласлум, нйвраманэ щән ләтңыл потыртаңкв хә-сэгыт ман әти, насати, туп яныг агитэн мощ потырты, тувыл та. Мөт нйвраманэ нэмхотыютаныл щән ләтңыл ат потырты.

«Ханты ясаң» газета ловиньтаңкв ос ат вөр-мияныл, тән ләтңаныл мөт хурипа. Ты ёрт олнэ Ас мәхум ос Нижневар-товский район хантыт халанылт ләтңаныл щар ат торгамтахтэгыт, щар аквтуп титсыр ләтңыл потыртэгыт.

Валентина
БАСИЛЬЕВА

www.khanty-yasang.ru

Такви ләтңаге янытласаге



Өйтүр 3тпос 9 хөтәлт үчөный хөтпа, филологический наука доктор, профессор **Нина Алексеевна Лыскова** 3тимыг 3мтыс. Тав с3в т3л Санкт-Петербург 3ст А.И. Герцен наппа педагогический университетт м3ныщи ос ханты л3тың ханищтым р3питас, наука щирыл н3пакыт ос потрыт хансыс.

Нина Алексеевна яңк н3тн3 3тпос 27 хөтәлт 1944 т3лт Қалтыщаны п3вылт самын патыс. 3тят3 ханты хум Алексей Тимофеевич Лысков 1944 т3лт хөнтлын м3т порслувес. Омат3 Глафира Никитична м3ныщи н3 3лыс.

Нина Алексеевна школа 3стламе юи-п3лт Ханты-Мансийск 3с педучилищат ханищтахтас. 1962 т3л п3сныл Октябрьский районт 3лн3 Н3рихумит, Сергино ос м3т п3влыт школатт н3врамыт ханищтым р3питас. 1966 т3лт н3врам ханищтант3ла торыг Ленинград 3сн А.И. Герцен институтн к3твес, тот яныг үчөныйт 3т в3йхатас, тувыл т3н таве наука щирыл р3питаңкве в3всаныл.

1973 т3лт Нина Алексеевна А.И. Герцен институт 3стласт3, рущ л3тың ос литература, м3ныщи л3тың ос л3йм3 соссa мирыт литература ханищтан н3пакыл майвес. Тувыл тав та 3стлам институтн р3питаңкве патхатас,

м3нылат хөтпат м3ныщи ос ханты л3тңын ханищтасан3.

1988 т3лт кандидатский диссертация н3пак хансыс «Подлежащее и сказуемое в хантыйском и мансийском языках: на материале северных диалектов обско-угорских языков». Наука м3гыс м3ныщи ос ханты л3тңыт т3рапаттым с3в р3питас. 1998 т3лт Йошкар-Ола 3ст «Синтаксис имени существительного в обско-угорских языках (семантический аспект)» докторский диссертация н3паке ловиньтаст3.

2004 т3лт Нина Алексеевна Ханты-Мансийск 3сн ЮГУ колн р3питаңкве в3ввес, м3нылат хөтпат ханищтас, наука торыг н3пакыт хансыс, т3ратас. Тыт тав 3с м3ныщи ос ханты л3тңыг м3гыс с3в 3рн3 т3лат в3рыс, м3нылат хөтпатн наука т3лат ханищтаңкве н3тыс.

М3н Нина Алексеевна Лыскова к3стыл3в, Л3ва пыген с3литан л3тың л3в3в.

«Лүймә сәрипос» ос «Ханты ясаң» газетaг в3рн3 колт р3питан хөтпат

Н3врамыт ханищтам хөтпа

Туи порат, 3йттур 3тпос 21 хөтәлт, н3врамыт ханищтам ханты 3ква **Евдокия Андреевна Н3мысова** 3тимыг 3мтыс. Тав с3в т3л школат н3врамыт ханищтым р3питас, 3рн3 н3пакыт хансыс, наука т3лан н3тыс. Евдокия Андреевна заслуженный учитель школы России, заслуженный работник образования Ханты-Мансийского автономного округа – Югры, педагогический наука кандидат намытыл майлуwes.

Евдокия Андреевна яңк н3тн3 3тпос 4 хөтәлт 1936 т3лт Полноват п3вылт самын патыс. Омат3 Анастасия Ивановна, 3тят3 Андрей Васильевич Н3мысов в3раян, х3л алыщлан хөтпа 3лыс. Евдокия Андреевна школа 3стламе юи-п3лт Ханты-Мансийск 3с педучилищат ханищтахтас. 1961 т3лт Ленинград

3ст А.И. Герцена институт 3стлас. 3вл3т Ванзеват п3выл школат, 3тыл Шеркалы п3выл школат р3питас, н3врамыт ханты л3тңын ханищтасан3.

1990 т3лт Москва 3ст «Обучение грамоте на казымском диалекте» кандидатский диссертация н3паке ловиньтаст3.

Евдокия Андреевна 3лме палытыл щ3нь л3тңе сака янытласт3, н3х-в3рмалтаст3, н3врамыт ос м3нылат хөтпат ханищтас, школат ос педучилищат ханищтахтын м3хум м3гыс 3рн3 н3пакыт щ3питас, учителитн н3тыс. Округ радио от телевизор хосыт ханты л3тңыл в3тихал потырт3лыс, «Т3рум М3» музейт р3питан хөтпатн н3тыс, матыр-3ти х3лтыглас. Тав 3ги-пыг янмалтас, апыгрищит 3ныщи.



М3н Евдокия Андреевна Н3мысова к3стыл3в. Тав в3рум т3лан3 ханищтан хөтпатн 3лал3 тотавет.

«Лүймә сәрипос» ос «Ханты ясаң» газетaг в3рн3 колт р3питан хөтпат

Лүймә сәрипос
(Северная заря)
№ 17 (1323), 05.09.2024
Соучредители
Дума, Правительство
ХМАО – Югры
Издатель
Департамент внутренней
политики
ХМАО – Югры

Редакция
ВРИО главного редактора –
Рагимова Н.В.
Телефон (3467) 33-24-02
Заместитель главного редактора –
Кондина Г.Р.
Телефон (3467) 33-22-72
Ответственный секретарь –
Узель В.В.
Телефон (3467) 33-23-09

Адрес редакции и издателя:
628011, г. Ханты-Мансийск,
ул. Комсомольская, 31
тел./факс (3467) 33-17-52
E-mail: gazeta@khanty-yasang.ru
Газета размещена на сайте
www.khanty-yasang.ru
Отпечатано:
ООО «Новости Югры-
Производство» г. Сургут,
ул. Маяковского, д. 14.

Индексы 04399, 54399
Тираж 1710 экз.
Заказ 3735
Цена свободная
Мнение авторов
публикаций не
обязательно отражает
точку зрения редакции.
Газета зарегистрирована
Управлением Федеральной

службы по надзору
в сфере связи,
информационных
технологий и массовых
коммуникаций
по Тюменской области,
ХМАО-Югре и ЯНАО.
Свидетельство
о регистрации
ПИ №ТУ 72-00795
от 23 января 2013 г.

12+

Нётнэ Охсараке (мбйт)

Туи рёгың хёталт Охсар сёюм ляпан вит аюңке ёхтыс. Сёюм овты, мулумлахты, эрги, маңь хумпыл ёнги. Охсар сёюмн лави:

– Витын такем атың, пумащипа наңын, сёюм. Наң маныр урыл тох суиңыщ эргёгын?

– Ам та урыл эргёгум, – сёюм ювле потырты, – ам пёлям, сыстам вит ян тотёгум. Ят кумхул ос нялкыт вос ёлэгыт, та-нанылн сыстам вит сака эри.

– Наң такем маңь ос таяныт эрнэ вэрмалы та вэрёгын, – ёщатахтым Охсар лави.

– Ам вёглум, ам ёр, ам кос маңь ос ахвасыт хот-виңке, амки магсылум лёңх хот-сыстамтаңке вёрмёгум, – сёюм лягалас.

Аман хотыл вуйхатам, хотыл патум яныг ахвас сёюмт хуи. Сёюм таве такос туясытэ, тувыл пёхын поварттаңке ат вёрмитэ.

– Ам наңын нётёгум, – Охсар лави.

Порыгмас, ахвас ал-маястэ, я ватан вуцкаса-

стэ. Та юи-пэлт Охсар касың хётал сёюм палт ёхталас, лёхныл яныг ахвасыт хот-виңке нётыс. Та пасныл сёюм витэ касың хёталныл атыңнувег ёмтыс.

Таквсы пора ёхтыс, савсыр луптат ёңхим маң ёл-патыгласыт. Охсар ты луптат лэгётыл хот-хосувлыянэ ос лягалы:

– Сёюм ул пёңктёлына, вит сыстамыг вос ёлы.

Нэмат хоса ати, туйт патыс. Яныг ят, туйт яңкыл тув-пёльвёсыт. Охсар сёюм палт акваг ёхтыгпалы, китыглахты:

– Я-та, апищи, ат пёль-вёсын?

Сёюм ювле потырты:

– Ати, Охсар, туйт ёлы-пэлт аномн ёмас. Харамат, хёт вёт вёты, тот яңк пёлясёлы. Ам яныг хумпыл яңк хот-сакватылум, молях хайтёгум, ат пёля-вем.

Акв ащирмаң хётал Охсар сёюм палт ёхтыс, таитэ ат суйты. Таве такос вёвитэ:

– Сёюм, манрыг наң ат суйтыглэгыт?

Сёюм ворил суйты:

– Овуңке воссыг ат вёрмёгум. Ам щамат ты пёлявем.

Охсар тавён агт пиным лави:

– Наң хайтэн, хайтэн, мощерт туйа ты ёвылтахты, ул вос пёлявен.

Сёюм воссыг ат суйтыс, хёт туйтыл лап та вётаставес, та мат тав та пёльвес. Охсар сёюм вата хосыт молях тыглетувле та хайтыгты. Тав сака пилыс, сёюм лап ул вос пёляве. Яңк тармыл хуяс, такви ёлы-пёлэн катанэ, лёге пинсанэ, сёюмн рёгың вос ёлыс. Такос сёюм вёвыстэ, ёр тёл хультыс, ёл та оилматвес.

Нёх-сайкалам сёюм Охсарн лави: «Нёх-квалэн, Охсар, наң ёр, хайтыгтэн-хайтыгтэн, ул вос пёлявен. Наң аном вёс-тыслын».

Охсар тав лётё хун-тамластэ, нёх-люлюңке кос кусыглас, сове яңкын тув пёлима. Тёкыщнув хасумтахтас, яңкын пёлим сов-лёмтэ хот-манумтахтас, тот та хультыс.

Я-та, вёр хосыт та ёми. Сёквалык таве кёсаластэ, тёкыщ рёңхуңке ёвылтахтас, вёрт ёлнэ уит пуссын вос хулёгыт:

– Сунсён, манхурип

Охсар нёттёл! Пунанэ хот-патмыт, Охсар сахитэ хашлум!

Охсар хот-рохтыс, ань вёруитн ты кёсалаве. Вёрт вёңхан хот-туйтахтас. Туп йти вёңханыл кон-кваллас. Пилым ёлыс, вёруит таве кёсалаыяныл ос мувиньтаңке патёгыт. Акв хётал Охсар сёюм турсуе хультыс:

– Охсар, нётэн! – сёюм таве нётуңкв вёвитэ.

Охсар тара руматэ палт хайтыс. Сунсы, сёюмн яныг ахвас рагатам. Такви пёхын-лаквтуңке ат вёрмитэ, ёре ат ёхты. Охсар ахвас пёхын ворил поварттастэ, вёгтал патыс, вит аюңке тах-маяс. Сёюмн ёл-хутыс, таквинатэ кёсаластэ ос щёгтым рёңхувлас:

– Тыя аман ам?! Ам выгрыг ёлсум, яңк пун ат ёщсум.

Сунсы, хот-патыглам пунанэ пёнтсыл лильпи нётнэ яңк пуныл яныгма-вес. Тав такем та нётнэг ёмтыс, такви выгыр, турёт яңк лёпс ёныщи. Катёге ёс яңкыг, эрттам яңк пёсса масум. Охсар акваг тамлег та хультум – вёрт ёлнэ нётнэ вёруиг!

Людмила Алгадьева
хансум мбйт



Ханищтахтын нёпакныл вим хурииг